

芻前請無衣後請無衣無衣直應受前請勿受後請若受已應轉與餘人若不轉與人受時惡作食得墮罪

此是第  
二四番

若苾芻前請有衣有衣直後請有衣俱受無犯若苾芻前請有衣有衣直後請無衣應受前捨後若苾芻前請有衣有衣直後請有衣

有衣直俱受無犯若苾芻前請有衣有衣直後請無衣無衣直應受前請勿受後請若受已應轉與餘人若不轉與人受時惡作食得墮罪

此是第  
三四番

若苾芻前請無衣無衣直後請有衣俱受無犯若苾芻前請無衣無衣直後請無衣應受

前捨後若苾芻前請無衣無衣直後請有衣

有衣直俱受無犯若苾芻前請無衣無衣直

後請無衣無衣直應受前請勿受後請若受

已應轉與餘人若不轉與餘人受時惡作食

得墮罪

此是第  
三四番

又無犯者最初犯人或癡狂心亂痛惱所纏

## 根本說一切有部毗奈耶卷第三十四

益

捺

奴達

燒

唐下

迦

音唐下

誼

音唐下

驥

音唐下

轂

音唐下

輜

福音

溉

音唐下

灌

音唐下

迦

音唐下

迦

音唐下

迦

音唐下

蓬

髮音

迦

音唐下

迦

音唐下

迦

音唐下

迦

音唐下

迦

音唐下

六

雀音

迦

音

迦

音

迦

音

迦

音

迦

音

迦

音

迦

音

迦

音

迦

音

迦

音

迦

音

求

住反

涕

滴丁歷反

迦

反

迦

反

迦

反

迦

反

迦

反

## 根本說一切有部毗奈耶卷第三十五

益五

唐三藏法師義淨奉  
制譯

施一食處過受學處第三十二

余時薄伽梵在室羅伐城遊多林給孤獨園  
於邊方大衆落中有一長者信心殷重爲諸  
四方沙門婆羅門等造一住處若有於此停

住者施以飲食余時世尊於室羅伐城現大  
神變時諸外道皆被驅逐人天咸悉深心歡  
喜敬仰世尊然外道輩奔趣邊方有六十露  
形外道至斯聚落詣長者所作如是語仁獲  
法利仁獲法利長者問曰仁等是何今來至  
此答曰我是出家人長者告曰善來我爲四

方沙門婆羅門等造此住處仁可於斯隨意  
停息所須飲食我自供承時諸外道即於此  
住受長者供給時室羅伐城有淨信居士將  
諸賄貨至此聚落亦於長者店鋪停止便與  
長者情敦布素時彼長者手自授與露形外  
道餅果飲食長者令使命居士曰仁可暫來  
共我供養勝上福田居士聞已便作是念此  
言幾重多是佛之弟子我今宜往頂禮其足  
既至彼已見是無慙露形外道然而不能對  
而非毀遂默然而住時彼外道食了而去長  
者報居士曰好田好種豈不善乎居士答曰  
種實精好而田下惡鹹鹹確終無所收露

形無慚常懷惡見長者報曰除斯之外有勝  
田耶居士曰有謂如來大師聲聞弟子長者  
曰彼若來者我當四事而爲供給時彼居士  
聞此語已默記于懷舊貨既盡更收新物即  
便還至室羅伐城到市店中安置貨已往逝  
多林禮苾芻僧足然六衆常法多於門首經

行時邬波難陀在門外立遙見居士從遠而  
來遂便迎接告言善來居士猶如初月久而  
方現比於何處興易經求居士答曰敬禮阿  
遮利耶我比在其聚落彼有長者造一住處  
招攜四方諸沙門等并好飲食常爲供養於  
佛弟子情懷渴仰邬波難陀聞已便念若更

有餘黑鉢之類聞此語者當在我前至彼住  
處我今宜可責彼居士勿使語人告曰居士  
汝常謂我不習禪思不勤讀誦恒念衣食以  
自活耶居士便念世間多貪不知厭足邬波  
難陀是當一數此聞我告尚起譏嫌況復諸  
餘大德之類聞我此說重責何疑於是默然

不復陳告時鄖波難陀見長者去往語六衆  
苾芻曰具壽我等何能久受辛苦於此住居  
諸人告曰大德頗有好消息耶答言具壽亦  
有多少鄖陀夷曰消息如何鄖波難陀曰於  
某聚落有一長者以信施心造一住處并以  
飲食供養四方沙門婆羅門無礙受用宜可

共行受其供養諸人問曰豈可六人悉皆往  
彼報言並去理亦何傷即六人俱行詣彼聚  
落時露形外道共相謂曰我等宜應暫出觀  
化必有好處移就彼方便留一人令其看守  
餘皆悉去

是時六衆漸次遊行到彼聚落至長者家既

相見已告長者曰願無病長壽長者問曰仁  
等是何答曰是佛世尊聲聞弟子長者告曰  
善來聖者我比翹心願見佛衆仁今得至深  
稱本懷我有宿心造一住處并設飲食意爲  
四方沙門婆羅門等作停止處仁今可住六  
衆報曰彼處頗有牀座卧褥被枕以不答曰

先無六衆曰彼若無者豈地上坐耶長者即  
送諸牀座并以褥席是時六人往彼舍中時  
一外道見而告曰汝沙門釋子何故輒來此  
舍非是汝等住處報言外道非汝住處是何  
言歟汝若默者得容且住若更出言必見治  
罰外道便念此有六人我唯單已誰能共彼  
禁五

三

以相禦敵勿令見辱宜當走避六人日日恒  
於長者家食後時長者有緣須往餘處白六  
衆曰我有少緣詣某聚落仁當如舊於我舍  
中受其供養至我迴還長者即告家人曰汝  
等如常供養聖者至我迴還勿令闕乏長者  
便去六衆如常受食時鄖陀夷報鄖波難陀  
曰誰能默然無語於長時中依他軌範宜當  
顯露作自威儀鄖波難陀曰斯亦善哉時諸  
女人來授飲食鄖陀夷告難陀鄖波難陀曰  
汝等觀此美女眼耳口鼻等體手足悉皆端  
正真堪受用女人聞已各並著慙潛居室內  
待其食了取器而去長者事了迴還至家問

家人曰汝等自我去來供養福田無虧乏不  
家人報曰何用如是惡福田耶長者問曰何  
出龐言女人答曰比見癡狂調弄舞樂之流  
出龐鄙言無如仁家福田所出之語長者曰  
彼作何事答曰此出鄙言調弄倡伎所未曾  
說我等聞已慙恥疚懷長者便念凡是我人

樂觀男子露形之類遂彼染心由此因緣情  
生愛樂沙門釋子軌式端嚴衣服覆形女人  
不樂即便告曰外道露形汝等樂見沙門覆  
體情不欲觀其妻報曰若不信者當令自驗  
長者便念我試自觀察其虛實數日停住告  
六衆曰聖者我尚有事暫須出行仁等如常  
可受供給即於密室潛形窺覘六衆時至就  
其食處長者之妻躬自授食六衆同前出言  
調戲可觀此女面首端正眉目纖長形儀合  
度實堪愛念長者聞已作如是念如婦女言  
非福田也我今不應頓絕供給宜設方便令  
其自去及至明日減其一餅闡陀告難陀  
鷲

波難陀今朝餅果何意踈薄難陀曰具壽我  
於日日持其殘餅布施貧兒從今已去不復  
當與至第二日更除一餅阿說迦曰具壽今  
朝餅果全見空疎駄波難陀曰我比食竟鉢  
有餘餅從今已去無復遺餘如是漸減乃至  
但有赤餅醋漿以充其食補捺伐素曰具壽  
益五

四

飲食既盡我等可行駄陀夷曰具壽既絕望  
心今應行矣未去之頃時語彼防守外道曰  
我等好食斷絕事由於汝汝可出去彼便出  
外遊行逢見諸餘先出外道問曰仁等比來  
四出求覓頗得多少好門徒不諸人告曰令  
汝看守因何出行答曰彼驅出我問是何人  
曰是沙門釋子問曰現有幾人答曰唯有六  
人外道議曰我等六十豈可不能禁六人耶  
打令熟手驅之令出時彼上座告諸人曰我  
今共去至彼舍中我若發聲道作事時汝等  
諸人十人捉一好打令熟曳出村隅作此平  
章共入村內上座告曰我等先當見彼長者

既至彼已問其安不尋便問曰長者仁之住處本爲於誰答曰我造住處無准的心在中

住者供給飲食外道曰長者中平意無偏黨即俱至常住處問言汝沙門釋子此非住處宜應急出勿更居停若不出者與汝毒手鴟波難陀聞而告曰拔髮外道出無義言沙門

釋子此非住處若非我者豈屬汝耶時彼露形怒而告曰汝等作事時諸外道十人捉一即便打撻難陀告曰具壽各各自當護其眼耳無令損瞎爲同梵行者所嗤告外道曰行者可打肩髀及以脣脺時諸外道打棒疲勞手足皆困遂便停歇聞陀告曰諸具壽次我

益五

五

作事時被六人俱有大力展右手時撲五外道次舒左手復倒五人或以錫杖或以手足拳打腳蹴恣意擊毆陀夷曰諸具壽當護本罪莫使命斷勿令我等得波羅市迦既熟打已悉皆推出諸婆羅門等見已相告汝觀釋子共外道闡必定天神當下大雨是時六

衆驅外道已阿說迦曰諸具壽我今戰勝不辱僧徒宜可俱行詣室羅伐

尔時南方有一外道論師名鵠陀夷是盧迦曳多後出說無爲求論議來至室羅伐城入逝多林詣尊者了教橋陳如處作如是語苾芻我曾師邊受少學業欲於仁處共立論端時尊

者橋陳如報言婆羅門諸樂論議者汝可共論此之言談非我所愛時婆羅門徧皆至彼諸大德所尊者馬勝尊者賢善尊者大名尊者名稱尊者圓滿尊者無垢尊者牛王尊者妙臂等既至其所求申論議皆如尊者橋陳如不共言論次至具壽舍利子所作如是語

苾芻我前曾習少學業欲於仁處共立論端時舍利子聞其語已作如是念試觀此人有善根不即便觀見有少善根雖有善根緣在誰處即觀此人與我相屬復更思念更有如斯有情之類因觀論議能變化不觀知更有彼受化者向時當集知至第七日皆來集

會即於是日少立論宗尚留餘義於六日中悉皆如是至第七日四遠咸聞南方論師是無後世外道來至於此與舍利子共相擊論竟無勝負時有百千萬億有情皆生喜樂或有先世善根之所警覺咸來集會時舍利子知衆既集觀時復至即以深法伏彼外道令

使無言時彼外道既被屈已起敬信心合掌恭敬作如是白大德我願於善說法律而爲出家并受圓具成苾芻性於世尊所而修梵行時舍利子即與出家并受圓具教其法式彼便專心自勵斷諸煩惱證阿羅漢三明六通具八解脫得如意寶知我生已盡梵行已立

益五

六

舍利子知諸大衆意樂隨眼界性差別當機說法遂令十二億有情或證暖頂忍法出第  
一法或得預流果乃至出家獲得阿羅漢果時諸大衆或發聲聞心或發獨覺心或發無上大菩提心皆於三寶深生敬信時舍利子於日初分摧彼外道於食後時六衆苾芻從彼聚落來至給園時諸苾芻既相見已告言善來具壽比者隔閻從何處來報言從某處大聚落來諸人告曰仁等薄福不覩大事近舍利子降伏南方論師外道令其捨俗得阿羅漢巨億徒衆獲果發心

尔時六衆聞是語已報言諸具壽此未希有

所作已辦不受後有心無障礙如手搃空刀割香塗愛憎不起觀金與土等無有異於諸名利無不棄捨釋梵天悉皆恭敬是時大衆咸生希有作如是言諸人當知此大論師人無敵者今舍利子以無礙辯令其降伏與受學處證阿羅漢果諸來大衆敬信倍常時

益五

何以故其舍利子是第二大法將助佛轉法輪伏一外道何足可稱假令舍利子被他屈時尚有大師共相救濟未爲奇特我等所作實成希有以我六人降六十外道苾芻問曰以何明術難陀報曰純用棒術又問曰說何法義答曰以身說法問曰爲當並死爲命存

耶荅曰當時命在至於今日死活寧知時諸苾芻具問知已各生嫌賤云何苾芻作極惡事理應羞恥而更因斯友生驕逸時諸苾芻以此因緣具白世尊余時世尊集諸苾芻問六衆曰汝等實作如是不端嚴事損我法耶白言實余大德世尊種種訶責廣說如前乃

至爲制學處應如是說

若復苾芻於外道住處得經一宿一食若更受者波逸底迦如是世尊爲諸苾芻制學處已時彼信心居士還持賣貨到前聚落至舊長者店上安置長者猶尚供養露形還令使來喚彼居士共爲隨喜與福田食居士聞已便作是念我試往觀多是世尊聲聞弟子於後見已仍是外道露形無有羞恥居士不能對面有所言說默尔而住露形食已從座而去時彼長者報居士曰好田好種廣說如前勝上田者謂是世尊聲聞弟子長者聞已作如是語知識莫道彼字我不願聞何況欲見

間曰彼已來耶荅曰已來又問是何人荅言六衆居士曰彼至於此作何事耶長者具報其事居士曰汝往大海收假瑠璃長者曰豈復世尊有好弟子居士曰有長者曰彼字何等荅曰謂舍利子大目犍連等仁若見者必起殊勝信敬之心獲希有事長者曰彼若來者我當供養居士便念我若還彼當白世尊時彼居士交易既了更取餘貨還室羅伐城安貨物已往詣佛所頂禮佛足白佛言世尊於某聚落有一長者彼爲四方沙門婆羅門等造一住處若有來者施其飲食於佛弟子情懷欽慕善哉世尊爲愍彼故令苾芻往遂

彼信心世尊余時默然許之是時居士知佛許已禮辭而去余時世尊作如是念誰於長者及其眷屬并諸人衆有宿緣耶即便觀知唯舍利子於彼有緣能令受化告舍利子曰汝可往某聚落度彼長者及其眷屬并諸人衆時舍利子從佛聞已即奉佛教將五百苾

芻以爲圍遶詣彼聚落既至彼已便於長者施食之處而爲停息長者聞有尊者舍利子將五百徒衆來至住處即使往詣舍利子所頂禮雙足在一面坐時舍利子爲彼長者宣說妙法示教利喜默然而住

時彼長者即從座起整衣左肩合掌稽首白

言大德并諸大衆明就我家哀受微供時舍利子默然受之長者見舍利子默然受已禮足而去即於其夜具辦種種上妙飲食至天明已敷設座席安大水瓶即命使者往白舍利子及諸大衆飲食已辦幸願知時時舍利子於日初分著衣持鉢并諸大衆詣長者家

就座而坐時彼長者見衆坐定自手行食悉令飽滿時舍利子知衆食已澡漱復訖便收鉢器是時長者自持小席於上座前合掌而坐白舍利子曰大德當爲說法時舍利子報長者曰若樂聞法者可於廣博顯敞之處多敷座席擊鼓唱令普告諸人仁等若樂聞妙

法者明當揔集聽大德舍利子宣揚法義作如是語教長者已爲彼長者隨時呪願說伽陀曰

所爲布施者必獲其義利若爲樂故施後必得安樂

如是等頌教以福利貧及存亡普爲有情離

益五

九

障解脫爲呪願已從座而去然此長者於大聚落中最爲稱首如尊者教遂於空地多數座席擊鼓宣令咸皆告知明日尊者法將舍利子爲說妙法若仁等樂聞咸皆普集當希見諦不於生死久沒輪迴時尊者舍利子至明日已於小食時與諸僧衆就法場處昇座而坐無量百千大衆雲集諸有情輩皆生喜樂或有先出善根之所警覺今樂聽法時舍利子知諸大衆意樂隨眠界性差別稱機說法遂令彼長者并諸眷屬及百千有情得四善根獲四勝果於三菩提隨緣發趣於三寶處敬信殊陰時舍利子又爲說法普發風勞

復爲佛先制戒時過不食時彼長者請舍利子及大衆曰願於我舍留神父住當以四事共相供給時舍利子報長者曰以汝爲緣佛爲苾芻當制學處我今欲去

余時舍利子身帶風疾斷食飢虛將諸大衆詣室羅伐既至彼已時諸苾芻問舍利子弟

子曰善來具壽行李安不報言有安不安彼問何故答曰我鄙波馱耶廣爲濟度斯成安樂然說法時久背纏風疾一日不食遂涉長途此不安樂時諸苾芻聞是事已以緣白佛佛言聽諸苾芻應畜偃帶以自安息又施食處應除病緣余時世尊讚持戒者如前廣說告諸苾芻前是創制此是隨開應如是說若復苾芻於外道住處得經一宿一食除病因緣若過者波逸底迦

若復苾芻者謂是六衆餘義如上於外道住處者謂彼施主以其住處先與外道此處應受一食除病因緣者若有病緣過食無犯若

無疾者過食得墮罪餘並同前此中犯相其事云何若苾芻於別住處已受一食若更經宿得惡作罪若受食者便得墮罪若於此宿餘處受食宿時惡作食時無犯若於餘處宿此處食宿時無過食得墮罪若餘處宿餘處食暫來此者無犯若此處所是多人共作或

卷五

十

施主見留或是親族造此住處過食無犯又無犯者謂最初犯人或癡狂心亂痛惱所纏

過三鉢受食學處第三十三

佛在室羅伐城逝多林給孤獨園余時北方有大賈主來至此城郭外停止六衆聞之共相告曰難陀鄙波難陀我聞北方有大賈主

來至此城郭外停息我今暫往就彼相看必有容者少多勸化難陀報曰此亦善哉即便俱往自相告曰彼諸賈人若喚我等食者應可報云我有飲食且得充濟若施衣者是要所須旣到彼已問言賈主自遠而至不疲勞耶答言聖者勞此相問六衆曰必有容者暫

可聽法時彼賈主恭敬合掌即便聽法既聞法已賈人請曰聖者可於此食荅言賢首我自充濟不勞辛苦便於他日更復相看爲其說法賈主殷勤請其受食復還報曰我不須食後於異時賈人議曰此處乏草當向某村逐草放牧即將牛馬往詣彼方是時六衆明日還去就彼賈人欲爲說法既至彼已不見賈主懷憂而住時有人來問言大德何故憂愁鄒波難陀曰此有賈主是我相識資貨豐贍不見告辭捨我而去報言聖者彼非全去爲此乏草暫往某村逐草放牧兼賣貨物不久還來鄒波難陀曰願汝無病長壽作是語

卷五  
十一

已即往彼村遙見賈人說伽陀曰

邊方險路不應往 設令去者勿居停  
非但處所不堪行 彼人勿共爲親友  
山險居人初見好 如金揩石創鮮明  
中方居者則不然 始終不動如山岳  
時諸賈人聞此語已答聖者曰何因致恨苦

見譏謂六衆曰賢首自己與仁等略申情義發我善品頗爲說法何不言別遂即私來荅言聖者非我長來隨草故不如其歸日還至室羅伐城相與告別闡陀曰賢首更可暫來聽我說法時彼諸人即共敬禮各取卑座坐而聽法爲說法已賈主曰聖者可於此食荅曰

不須時彼賈主告諸人曰仁等數請受食皆言不須豈非聖者乏少衣服仁等宜應隨己所有以衣奉施諸人報曰斯亦善哉遂使人各以一張上好毛綬持用奉施闡陀便與呪願此之施物福利無邊鄒波難陀既得物已告言賢首汝比頻頻請我受食今可將來是何供養時彼賈人即持餅果羅列目前鄒陀夷使舒大鉢報言賢首可著此中寶主意念此鉢絕大若與滿者可足六人充一中食即盛以滿鉢奉鄒陀夷時馬勝苾芻復更舒鉢還與滿鉢乃至六人悉皆舒鉢賈人俛仰咸並與之所有路糧無不罄盡乃至金中飲食

亦用相供時諸賣人告苾芻曰聖者我所現作多少路糧並皆罄盡時諸賣人報苾芻曰我欲令人相逐往主城中更覓路糧仁當看買迴還之日幸給援人勿使中途致遭賊盜難陀報曰當為汝看時彼賣人遣人隨去既至寺已馬勝報曰賢首可為我作如是事業

隨言為作尋復告言為作此事如是展轉至日將暮告言男子汝可歸還時彼使人出城而去途經險處為賊所劫既入營中諸人問曰路糧何似報言幾將失命寧有路糧問曰豈不聖者與汝援人答曰准理即是彼令賊劫問其何故答曰彼至寺中令我作務馮看

十二

益五

市易惱不言及至日將暮方遣出城由此夜行遂遭賊劫時諸賣人聞是語已咸共譏嫌此諸釋子失沙門行云何委寄反被相欺此是緣起尚未制戒

佛在室羅伐城逝多林給孤獨園時此城中有一長者娶妻未久使誕一女形其右目後

漸長大同年女伴皆並娉人唯此一女眇目無相其年雖大人無娶者於此城內復有居士於同望族娶女為妻未經多時妻遂身死更娶第二亦復身亡如是乃至第七娶妻悉皆身死時人並皆喚為妨婦即因此事以立其名時妨婦長者更欲娶妻人皆不與作如

是語我今豈可令女死耶我不能與復求寡婦欲娶為妻彼便告曰我於己命豈不惜惜入汝舍乎時彼長者求妻不得躬自營勞檢校家事後於異時有舊知識來至其家見其作務告曰仁何所為答曰我營家事彼便告曰何意仁今自知家務曰已娶七婦皆悉身亡無第二人可知家業友人報曰何不求餘答言比日雖求人不見與皆云我豈不惜女耶娉向汝家命其早死若如是者何不更求諸餘寡婦長者具以事答雖求寡婦亦不肯來知友曰某家有女眇其右目何不見求答曰彼亦不與知友曰試往求之或容相許是

益五

十三

時長者便詣彼家至已問家長曰比得安不  
彼問何意得來答曰欲求娶仁女問曰何女  
答曰眇右目者父曰隨意爲婿問曰欲取何  
日父曰某日吉辰可得成禮既見許已歡喜  
而去還至家中待其吉日時彼知友旣勸喻  
已作如是念我令知友覓眇目女共爲婿媾

是所不應彼有惡相勿令至舍妨我知識時  
彼知友作是念已詣長者所問曰得眇目女  
不答言求得是時知友說伽陀曰

波羅舍條將淨齒 若人頭向西出眠  
眇右目女要爲妻 此亦能齋天帝釋  
兩惡相逢必有損 譬如刀石共相投

夫婦皆是妨害人 若要定當遭死事

說是語已報長者曰女眇右目是妨不疑仁  
若娶者恐遭夭喪宜可棄之我有一妹比者  
孀居若相應者共爲偶匹長者曰已有言交  
不可即棄宜設方便勿失彼情知識曰善時  
眇目父母欲至吉辰即爲營辦種種會設六

衆苾芻共彼長者先是相識六衆便於小食  
時著衣持鉢入城乞食至長者家見其營造  
奇妙餅食難陀問曰姊妹作何節會其母報  
曰聖者仁外甥女欲娉他宗將至吉辰爲斯  
營辦難陀答曰姊妹我於今日得嘗少多不  
母曰聖者此是仁物豈待他授難陀報曰餘

時惠施自是常途今日珍著且興多少時彼  
婦女稟性寬恕遂將餅食盡授六人旣受得  
已即爲呪願無病長壽從舍而出時彼長者  
來見餅無問言何故婦曰有福田來我皆持  
施仁今可往報彼夫家更待他辰別爲營辦  
長者報曰彼定不肯延至他日且先嫁女後

設宗親婦曰彼旣妨妻誰當與女令待餘日  
一時揔費長者旣受婦勸便向夫家報言賢  
首我家營辦所擬宗親六衆福田並皆持去  
現未能辦可待後時其人報曰已卜吉辰不  
能移轉若依舊日我娶爲妻若更在後必當  
見棄長者還家以言告婦婦曰彼多妨妻誰

卷五

卒與女留至他日方共交婚婦即漸辦餅食  
遂過先期夫家聞已遂娶知女之妹婿居寡  
婦以爲妻室其婦餅食既辦更令長者往命  
成婚報夫家曰我餅食皆辦可爲親禮彼人  
答曰前期既過我不須女長者發怒引至官  
司斷官准理長者不如還報其婦婦便大哭  
我女久居今始欲嫁事緣六衆棄不成婚隣  
伍聞之共生嫌賤六衆苾芻失沙門法壞清  
淨衆令成婚女爲夫所棄諸苾芻聞以緣白  
佛佛便集衆問彼六人訶責同前乃至爲制  
學處應如是說  
若復衆多苾芻往俗家中有淨信婆羅門居  
士慇懃請與餅餽食苾芻須者應兩三鉢受  
若過受者波逸底迦既受得已還至住處若有  
苾芻應共分食此是時  
若復苾芻者謂六衆也過二已去名曰衆多  
俗家謂白衣家婆羅門等往者謂到其所淨  
信者謂信三寶深心歸敬慇懃者謂心至極

請者謂發言延請趁餅者謂所施食須者謂  
情樂也兩三鉢者鉢有三種謂上中下上者  
謂受摩揭陀國二升米飯中者謂受一升半  
米飯小者謂受一升米飯應兩三鉢受者指  
其限齊還至住處者謂至寺中若有苾芻應  
共分食者謂與同梵行者共相分布若過受  
得波逸底迦者釋罪如前此中犯相其事云  
何若苾芻以三大鉢受他食時得惡作罪若  
吞噉者得波逸底迦若以二大鉢一中鉢受  
他食時同得惡作罪吞噉之時得波逸底迦  
若以二大鉢一小鉢受他食時得惡作罪吞  
噉之時得波逸底迦若以二中鉢一大鉢受  
他食時得罪輕重同前要而言之若苾芻乃  
至取他食時過四升半米飯分量已上皆得  
波逸底迦者取一大鉢一中鉢一小鉢或惟  
二大或二中一小或二小一大或二小一中  
或三中或三小等此皆無犯又若施主任取  
多少者取亦無犯又無犯者謂最初犯人或

# 癡狂心亂惱所纏

十五末

## 根本說一切有部毗奈耶卷第三十五

益五

賄呼每反 敦丁見反 驁鹹鹹成二字音 碩確上口苦交反  
翹渠搖櫛敵二字音 裕蒲米反 倡伎昌音 疎救音  
窺覘上傾彌及反 糜息廉反 阿說下音 捻娘達反 哉

羊逝反 打搭答下音 哟尺之反 肩體博下音 裸口反 撲  
蒲角反 又反 跡秋六反 椎直追反 棒蒲項反 敞昌兩反 指  
足木反 皆謂反 笑笑反 級二同他反 慊正下反 仰上音 挽晚音  
援院音 幾將上音 渠渠美反 小小反 婚媾候下古反 夭喪上於反 拏晚音  
下蘇反 霜霜音 怒庶音 麝反 小

## 根本說一切有部毗奈耶卷第三十六

唐三藏法師 義淨奉

## 足食學處第三十四

尔時薄伽梵在室羅伐城逝多林給孤獨園告諸苾芻曰我為一坐食時常得少欲無病起居輕利氣力康強安樂而住汝等亦應為

故問阿難陁我一坐食乃至得安樂住教諸苾芻亦一坐食得安樂住何故諸苾芻顏色瘦黃身體羸瘦阿難陁白佛言世尊如佛所說我一坐食得安樂住汝等亦應為一坐食得安樂住時諸苾芻如佛所教為一坐食正斂食時見二師來及諸尊宿即起離座既離座已將為足食更不敢食由少食故顏色瘦黃身體羸瘦佛告阿難陁若苾芻食時乃至未足已來隨意飽食若受食已更不應起如佛所教乃至未足已來隨意飽食若受食已更不應起者時諸苾芻隨得多少羹菜之類及食熟豆即謂足食起已更不敢食由此因